



舊業堂集卷之一

吳陵凌儒真卿甫著

梁谿沈 沈淵淵甫選

壻 袁世科應舉甫訂

詩

五言律九十六首

七言律九十九首

過西園

暫將塵事歇且結碧山緣寂寞開三徑逍遙續一篇  
館松行處鶴河柳坐中蟬耳目都無擾清風夢葛天

對雨

鳴雨久不歇陰森起暮寒水深人到罕雲濕鳥飛難



百口城南麥寸心溪上竿衝泥未得往天外幾回看  
冬曉往馮店卽事口占二首

種樹東山去郊圻十里過馬前寒色薄原上曙烟多  
海氣連孤嶼江聲隔兩河百年松柏下還似舊岩河  
其二

辛苦爲歸計勞生豈達觀隴頭千萬樹歲晚幾回看  
荷插遊非漫懸棺臥亦安倚梧還自哂雪鬢點霜寒  
冬晚登園閣柬王德仲

緣嶺投輕策逍遙悅敞廬紫烟浮澗碧白月映沙虛

本習孤生懶翻成靜者居論文邁流俗開徑候應徐

西園閒眺

倚杖綠筠間孤雲看往還水邊行白鳥天末隱青山  
萬籟境俱寂百年人自閒滄浪歌斷續遙在碧湖灣  
新春大雪與錢文學輩論歲

聚玉更飛沙春城壓萬家從風還歷亂帶雨亦交加  
簷溜不成凍園條漫作花占年共愁水何計是生涯  
寒日晨起西園候戴維新

辯博楊雄老才微賦懶題雲來猶覩鳳日出未聞鷄

白水雙溝合清霜萬瓦齊冒寒之子過攢火待風蹄  
題竹夫人

湘江同世系號國並微名性直真難奪心虛妬不生  
初盟提挈好中道棄捐情雲雨巫山夕襄王夢欲成  
期戴維新儲幼度過西園

塢裏看花放紅梅間白梅春從林杪過人向寺前來  
好句千年賞枯棋二月開江城滿晴色莫負一登臺  
春分

仲月當三五芳春一半過獨憑詩報答都着酒消磨

已去時應少方來日不多况兼風與雨遊騎莫蹉跎  
傷逝

仙馭乘雲遠龍驂不可攀日臨丹旆白霜奪綵衣斑  
獨立鶴無與孤飛鸞未還風簷雜清聽猶似解鳴環  
飲張總戎宅遇雪

佳讌逢初雪懽聲一座生隨風纔集霰帶雨忽飛英  
瑞應春前日光添几上清林珂散銀燭醉眼更分明  
晨起拂衣

晚市行經宿織塵尚戀衣忙來詩思廢老去故人稀



朝霧陰能散寒雲凍不飛白頭仍歲暮奔走寸心違  
代海山作

縹緲神仙宅烟虹隔幾重風傳玄羽健露泫紫芝穠  
玉鳥祥雲護丹砂候火封子明如可見長跪乞相從  
挽鳳洲公

久辱忘年好招尋不復來捐金佩高誼倚玉瀉餘哀  
鳳去雛應長春歸花自開悲風生里巷共惜馬卿才

賀近翁七十壽

記得馳驅日相看兩白頭君懷誠可卷吾志復何求

道在天應護名高望自收一尊淮海上還作百年遊

原上卽事

睡起澹無營高原策杖行孤雲天際沒獨鳥水邊明  
寒動春春急烟浮夕棹輕寂寥歸思逼明日上吳城  
期戴奎老郊外尋春

芳郊探早春握手兩烏巾風月懷人舊鶯花覓句新  
杖頭泥不滑壺裏味堪親豈待繁華滿香塵逐市輪  
西園暮歸

青春一白袍湖海自稱豪杖步江沙軟棋彈山月高

迴塘新水漫嘯柳早鶯嬌取樂人間世何須問二毛  
春盡西園偶述

客到輒飛觴山厨鷄黍忙春留三日少人減百年狂  
對竹裳衣薄穿花杖履香平生萬里興歲晚竟茫茫  
春盡逢雨

孤山偶倦遊高枕小書樓雨落林花晚雷鳴隴麥秋  
兩岐青藹合三徑碧泉流春去經年別持杯欲暫留  
春晚周戶侯敬所攜酒過西園

赤電干城將移尊看小山花開三月好犬睡四郊閒  
江海新青綬乾坤舊白綸撫時愁百結對爾暫開顏  
暮春王磐石攜酒邀近翁過西園

池上春晴好華筵十日開波搖山色動風遞鳥聲來  
擁蓋高齊柳臨觴近傍梅殘紅銀燭外點點落蒼苔  
代東友人

微雨春歸後門閒芳草深蒼茫看客眼沾濕惜花心  
問酒餘三斗懷人隔一林何當張蓋過談笑豁幽襟  
謝海防公祖賜書時築堤初成

細雨江天暮魚書下海陽露將雙手盥錦自一函光



平地波濤息荒山粳稻香  
莫驚功不小歌頌滿滄浪  
寓南莊

避俗郊居過新秋爽氣多  
墟光澹孤里江色亘長河  
慣學陶潛醉翻嫌甯戚歌  
百年天地內還守舊山阿  
題潘司馬讀書臺

草玄楊子宅百尺見高臺  
水遶雙峰落花香萬卷開  
燃藜齋下過吐鳳夢中來  
呵護精靈在文芒逼上台  
寒夜對客四首

霜白映江城寒宵邀友生  
酒闌人未醉花落燭逾明  
庭樹棲烏影山更刻漏聲  
平生高興在歲晚復爲盟  
其二

日醉楚雲東相看歲欲窮  
髮隨霜落白面對火然紅  
囂俗人難合文章力易工  
悠悠百年內爾我總成翁  
其三

白雲從始願繚繞日荆扉  
閬境高人過空齋寒雀飛  
明珠按劍衆流水識琴稀  
相逢但醉倒勿論里中非  
其四

厭俗還談俗擔勞不覺勞  
舉杯忘揖讓讀句見蕭騷



有美堂集 卷之一 六  
爐火鳴泉細霜空叫鴈高澄江忽波湧愁緒亂吾曹  
新秋郊居八首

閒愁不可遣秋色亦堪憐暑薄涼颼動陰輕澹日懸  
吾生滄海上天放碧山前散帙尋奇字非關學草玄  
其二

樂至還誰共愁來祇自知山光堪對酒秋色好題詩  
短劍何須舞長竿每愛持空齋無事事眠食度清時  
其三

蕭瑟氣悲哉羈心不自裁青梧寒色起白鴈早書來  
固是悲秋客還非作賦才何人東海上搥筆日登臺  
其四

一榻故山阿蕭騷野意多涼颼度萑葦落日下松蘿  
隔市無車轍臨溪有棹歌懷人望不至倚樹獨婆娑  
其五

蕭索空山裏絲絲兩鬢斑地偏關不閉客少主長閒  
短榻書誰把荒庭草自刪清秋池館無處不堪攀  
其六

詎謂西風早輕衫作意涼白雲籠日薄清漏滴宵長



薜荔應無恙芙蓉還自芳故園秋水上回首思茫茫  
其七

艱虞氣故增高龍恣憑陵暇日懷王粲清秋憶季鷹  
禮寬從放浪志在任騫騰淮海論詩學浸淫到上乘  
其八

不必悲搖落寒喧有代除人生元過鳥世態總前魚  
月宇涵秋冷風窓動夜虛鷄鳴發深省從此願無餘  
挽戴奎老四首

金氣悲搖落西風哭故人百年交有態一旦德無鄰  
歐冶劍初黯陳蕃榻欲塵山中思石友何日不酸辛  
其二

困羽風纔便微光日漸曦談經成白首辭祿遂初衣  
夢去一生畢人還萬事非忘機好心地月旦里評歸  
其三

異物君應化浮生我固嘆鶯花長醉罷泉石舊盟寒  
短杖行猶健扁舟興總闌茫茫山下路何處覓袁安  
其四

垂老空山伴朝朝曳履來形骸兩俱放笑語百無猜

竹在鳳何處亭新花復開子期今不是流水罷琴臺  
漫興因招丁前輩

憂來懷谷口老去厭塵氛濁酒酬清世閒書伴白雲  
花香時自嗅鳥語日相聞更喜春風坐孤琴每候君  
苦雨

底事春愁苦重陰暗雨城蜀山無犬吠晉竇有魚行  
入夜渾忘寐當春已罷耕海門遙可接吾欲到蓬瀛  
雨後見餘花

積雨銷春盡殘花曲逕中泥深鳩杖懶囊齋蟻尊空  
冶態辭芳歲深心托老翁百年風韻遠還放五湖東  
花前晏坐

何處丹丘近端居澹寡營花香襲裾薄水色動簾明  
地僻人稀到山深鳥不驚塵根銷却盡冉冉在蓬瀛  
和黃員外過南莊之作

長日臥淮東津梁久不通愛山同謝眺埋谷似愚公  
薄地生涯足浮生世事空等閒仙侶集恍惚醉瓊宮  
其二

雲居碧海東城轉路方通綠水應無競青山亦自公



入多魚網重飲滿蟻樽空瀟洒林泉酌清虛似梵宮  
劉子厚自莊來城

谷口帶經耕閒來亦入城苦辛生事足澹泊道心驚  
野老暫相語水禽時一鳴郊墟秋可攬買棹躡君行  
約親朋看菊先小集

溪容似若耶秋色滿山家欲挈一壺酒來看三徑花  
早芳殘日氣晚節待霜華自覺佳期緩先邀醉海涯  
杪秋館中漫賦

蓬蒿日剪除檢點九冬書舊業已云暮浮生真覺虛

溪光逼亭淨秋色入林疎病起論交態依然只故廬

暮春獨坐

春歸應幾日花尚滿園紅有酒送芳景無言問化工  
鑑空雲度水簾動燕驚風濃綠閒看柳低垂三徑中  
挽顧夫人詩

曾作牛衣伴因分柱史封白頭垂壺範清晝罷鄰春  
門外來雙鶴庭前見一龍烏棲明月冷啼向五更鍾  
病愈謝宮克昌

世事看來破人情病裏真每勞青眼客頻顧白頭人



暮齒逢奇數餘生待好春  
夢回還自喜色色覺俱新  
秋日作

長淮通邑里新水竹邊生  
烟護蘆花黯霜沾桐葉明  
清時惜芳景爽氣薄高城  
蕭瑟悲秋客還應病骨輕  
秋園晨起

爲嫌人世溷因結水亭閒  
畚鍤侵晨起馳驅及暮還  
夜涼含露白秋色點雲斑  
對酒負良景黃花空傍山  
元日雪晴

靈雪霏元夜朝晴喜萬家  
猶然合臘氣未可作春花

新旭凌虹出纖埃積素遮  
祥風占物候豐樂應年華  
爲六老拂塵

開燕及江春山花照酒新  
幾年鳴鐸客此日掛冠人  
津路寧妨老烟波不棄貧  
平生稱石友衰暮更相親  
正月十四日晚登山

落日春園夕凭高獨倚欄  
歸雲橫嶺斷宿鳥擇枝安  
徑轉梅花細山空月色寒  
城東盛燈火吾欲杖藜看  
初春西園對客

流光難自擲日醉小園春  
歌舞堪留客鶯花不負人



舊詩堂集 卷之一  
矜名才本拙娛老事方新白首滄江釣無心獵渭濱  
暮春與儲幼度錢商卿諸君夜坐

寂寞傷春晚談交共短檠詼諧該至理疎放任真情  
日入樓臺色風傳鼓角聲年華吾欲惜偶坐亦移更  
初春盧海川移酒過西園時有歌者

微雪林塘霽尊移江上閒紅顏行綠酒白髮對青山  
地煖春先到宵寒客未還寧知洛浦女宛出海陵間

九月晦日作

遊興四時適最佳春與秋綠波青雀舫紅蓼白鷗洲

交道飄塵委年光逝水流鍾鳴金節換呼酒爲淹留

西園卽景

爲愛溪山靜朝朝來避喧對花人共笑倚樹鳥頻言  
歲歛郭中稼時開湖上樽悠然身世棄此意與誰論

漫賦

湖海清時臥澹然塵想虛百年詩酒事十畝水雲居  
身病交游寡心違筆札疎獨憑風與月日日伴吾廬

中秋山莊與袁壻對月

相對中秋月蒼茫一水中濕雲難度漢狂浪易生風



衣薄秋容淡杯浮夜色空乘龍佳客在聊爾慰飄蓬  
晚別

竟日來山郭秋高興轉深江流喧暮鼓霜葉落寒砧  
白首黃花約孤舟萬里心行行岐路別燈火出前林  
雨中過園亭期章疊峰晚酌

朝雨暗滄溟蕭蕭一水亭花兼秋共淡山對眼偏青  
短日催人苦長風掠鬢醒陶然思共醉倚杖待明經

寄謝湯醫士

家住五湖東名聞一郡中破門人買藥閉肆自談空

杖挂蒼龍瘦身騎白鹿雄長桑兩手澤應與傅霖同

春旱祈雨

百卉成焦卷桃花春雨稀疊錢荷水淺翻浪麥風微  
渡口絕遊舸漁梁空釣磯靈壇卽有薦皜日自炎暉

西園客話

微雨淨塵氛春園正夕曛地寬墟帶郭天濶水連雲  
嶺上樹千點沙邊鳥一羣散襟聊對客時事不堪聞  
訪賓谷館中不遇

連床書不捲叢菊傍簷阿高士山中去閒人花下過



舊業堂集 卷之一  
酒狂緣病減詩債爲秋多何日爭雄地看君自倒戈  
春殘期友人過西園

酌酒留春住江城春不留花飛三月暮人老百年愁  
柳色碧於染池光翠欲流山前風物好倚杖候同遊  
讀儲幼安農夫嘆

憶昔收江夏蓬門十丈高青藍呈絕色鴻鵠負奇毛  
有夢吞丹篆無媒售寶刀新詩誦清夜星斗耀江臯  
初春文臺席上觀妓

秉燭開宵燕高門具五辛半非燕市客總是霍家親  
細舞翻紅袖清歌啓絳唇不須花共柳自有一般春  
積陰損禾

水困望秋陽無端風雨狂濕流紅稻淚熱上白芒霜  
野哭孤航滿人扶危岸忙備嘗秋作苦何敢怨蒼蒼  
臨河懷鄭澄之

波蕩疑天動光搖似鏡湖浦帆看去沒汀鴈聽來無  
晴日消三尺秋風瀉一壺蒹葭猶在眼隔水兩成孤  
山居知王侍御枉顧

聞道黃華使猶尋白髮翁乘驄霜落後倚杖月明中



世事空流水人生信轉蓬  
返朝應覲省龍劍過關東  
倒湖塘

迸力扶危岸顛風東西來  
浸淫防忽破填塞缺仍開  
瀑布終難擬馮河不自裁  
籲天聲四起入耳亦心摧  
田上觀秧

辛苦事南畝窮日不知歸  
水上春田足秧分早稻肥  
墟烟生暮壠夕鳥下山扉  
生事此中盡初心幸不違  
臥病懷西園

耽玩忘寒燠况逢春色滋  
夜來偶抱疾花發空滿枝  
雲渡徑不掃香飛蝶獨知  
艷陽三月候應是杖藜時  
新建書屋

窈窕事幽築依然面雪山  
海桐霜後綠天竹雨中斑  
路僻時尋徑雲深不閉關  
冥搜六經裏底事出人寰  
謝平湖枉顧

斗酒荷君攜慙勤醉欲迷  
菜盤堆紫蟹江水煮黃鷄  
落子風初動呼盧日已西  
相看頭盡白此會未應稀  
九月晦日草亭小酌

秋盡孤亭坐籬邊幾種新  
花開邗水色酒對海陵人



惜景茲辰晚迎冬明日春論文入幽夜字字逼清真  
且樂橋

北郭臨關處虹飛十丈餘避驄桓典里賣藥伯休居  
境逼難容市途平可渡車千年歌舞地愛有草玄廬  
大寧橋

鎖鑰聲聞近通津第二橋坊臨官閣直路入泰山遙  
闕闕門相倚秦淮水不朝當關誰爲訴烽警日來銷  
天寧橋

百尺臨淮秀邗流自竹西水深龍臥穩松暝鶴飛低  
梵宇隣鐘磬轅門接鼓鼙獨憐愚士女祈禱往來迷  
稅務橋

歲課垂名舊中城路不賒總戎司馬第簪筆夕郎家  
東海迎朝日西山送晚霞從來冠蓋里時過七香車  
大和橋

鰲首見文昌橫波落影長草深沙徑沒苔暗石碑藏  
題柱人頻過行春路半荒橋梁繫王政回首思茫茫  
八字橋

孔道當南北橋回左右分地形橫似字梁勢擬如雲



隔市人烟靜連營鼓角聞觀風問民俗簫艾化蘭芬  
登仙橋

名擅江城勝崢嶸高插天仙人何處去遺跡尚依然  
七日笙猶響千年鶴未旋監司隣守禦時得察官賢  
伏龍橋

苔深小徑封片石擬三容城郭曾仍舊干戈定幾逢  
運移悲渡馬事往識潛龍此日荒祠外空餘叱犢蹤  
客有攜酒過西園偶失陪奉謝

龍性本無繫那堪薄俗譏筵開鹿車走客到鷓冠歸  
竹葉滿不飲桃花空自飛朋遊還一醉莫謂主人非

其二

尊酒赴佳期空園任所之青山一片削碧柳五枝垂  
顏闔風難繼王猷興可知遙憐歸去晚花夢月明時  
晚眺

湖水西來過月塘邗溝東接海門長晚風不斷孤雲  
色芳樹猶含落日香老惜年光棲白谷病逢秋事臥  
清漳蒹葭滿眼人伊邇咫尺相思各一方

懷西園



登高作賦媿非才  
載筆還恩一覽臺  
萬井風烟孤策  
往五湖秋色片帆來  
金城北峙秦關險  
紫氣東昇閬苑開  
欲付篇章歸未得  
中城車馬正如雷

子厚劉丈應舉袁壻攜酒南莊有作

容易荒郊二妙過  
慙勤提挈小山阿  
衰顏對玉輝光  
滿末路投膠意氣多  
明滅江村看野火  
縱橫烟浦聽漁歌  
草堂別後成孤寂  
獨有清風掃薜蘿

懷鄭澄之

露白楓黃紫艷新  
懷人此日北山岑  
那堪自隔吳天  
遠便欲相從楚水深  
十里蒹葭明月夢  
百年尊酒故園心  
茱萸佳節期同賞  
高閣憑虛醉裡吟

失迎上客

客到柴門總不聞  
野夫袒跣坐花陰  
謀身絕似稽康  
懶避俗曾如顏闔  
深冲舉鷄鵝元有類  
苦吟蟋蟀亦何心  
盧胡一笑楓林晚  
墜葉紛紛下紫岑

南莊別澄之丈口占相期

野性逢秋發興新  
川原到處費登臨  
天高露氣棲林  
重江湧潮聲落澗  
深十畝自營終歲計  
一枰相對百



年心夕陽渡口扁舟約來日重遊不待尋

對菊懷戴廣文

秋盡籬花喜未殘西亭帶雨倚欄杆採英細嚼黃金  
嫩呼酒高擎白玉寒歲月有知烏几杖江山無恙竹  
皮冠懷人此日東沙上心賞同誰醉裏看

送友人還姑蘇

歸心計日闔閭城送客江亭無限情把袂北門寒雨  
濕挂帆南浦暮雲平香飄別酒梅千點書寄懷人鴈  
一聲回首維揚幾程路可能雪夜興還生

雨中懷西園因留丁任甫數君小坐

雨送新雷過小湖遙憐新水長新蒲青山原上鮮於  
染白鳥池邊喜自呼柳帶絲絲含濕重花光點點破  
烟疎羈棲未得攜尊往入幕聊傾酒一壺

往返道側見桃花盛開漫賦

樹樹桃花出短墻誰家紅粉試春粧無媒對酒愁難  
破未語尋詩思已狂艷質不隨人共老閒情如笑我  
空忙籃輿路下重經過贏得東風滿面香

苦春雨上蕭柳堂使君



江城十日桃花雨樹杪淋漓似太多積水未消三尺  
在沈陰又見數畚過青青麥隴雲翻濕白白桑田雪  
湧波爲語漁陽張太守回天佇聽兩岐歌

喜晴期任甫郊行有作

積雨俄晴自喜人暄妍添得十分春樓開宿霧山全  
見臺近初陽花倍新上下沙堤堪荷鋪淺深溪水好  
垂綸安排杖履尋遊侶暫拂寰區半日塵

久雨約劉鳳阿李文光相過

雲暗吳城鎖積陰郊原空負踏青心江花含態愁將  
老岸柳攢眉恨不禁何處晴光金可買誰家春色酒  
堪尋孤山好客還應到新水成渠總未深

中春小構暫歇西園

忙裏閒園二月過春光拋擲疾如梭梅粧落盡紅應  
少柳帶攢齊綠已多一顧主人翻作客半生愁思欲  
成歌臨池自照盧胡態底事霜飛兩鬢皤

自知

牢落筠關枕寂寥當年意氣亦干霄赤心久許青天  
監華髮紛從白日凋人世浮名悲過鳥林泉清聽雜



鳴蜩自知辨博楊雄老放浪時惟酒一瓢

苦雨

一雨不休愁欲癩把酒問天天茫然南畝罷歸逢梅  
水北山躬耕荒秫田樹杪重泉鳴未已樓頭癡雲飛  
滿前傷春五斗且自遣何事百口空焦煎

春殘大雨中邀客

載酒留春春不留况逢淋雨過山頭飄零短架紅英  
泣凌亂空階白浪浮水漫桑田愁罷犢陰凝茅屋怨  
鳴鳩還憑遠眺舒長嘯醉倚吳陵第一樓

雨餘客散再疊前韻

更闌雨歇正堪留候火熒熒照水頭人影亂從芳徑  
轉烟光遙接暗雲浮醉酣滑道猶騎馬老怯香泥欲  
杖鳩爲惜餘春定來約一壺重瀉仲宣樓

暫晴復雨呈蕭太守

齋心良牧軫時憂百拜空壇禱未休天外眼開晴日  
出風前眉縐濕雲浮提壺不喚三春醉布穀空催四  
野愁閉閣琴堂思正苦管絃何處動吟謳

久約任甫鳳阿文光郊遊喜晴得踐



強半春過始一遊未緣塵事苦淹留無情風雨頻相  
負有約江山漫自謀綠樹烟和啼好鳥滄波雲暖漾  
輕舟高才喜對青霄客不惜芳尊日唱酬

兩兒邀客陪賞牡丹

最憐名占百花先垂老臨觴意惘然錦帳生春還歲  
歲草堂開宴自年年雲林漫道同金谷塵世須知有  
洞天笑飲綵衣今日酒秋風猶待桂香傳

晨起登樓見泰山之作

風烟不斷曉山青樹色嵐光入眼明湖接邗江春自

綠日沈滄海夜還生岌嶷百里懸孤嶂錯落千家地  
一城回首長安雲物外倚闌惆悵舊臣情

薄攜就飲鄭澄之暮歸道中卽事

軟紅塵外踏春歸布襪青鞋白袷衣日落江城山色  
暝路迷花徑鳥稀聲旌旗掩映人馳道鐘鼓微茫客  
扣扉分手河橋明日約更攜尊酒莫相違

飲王近翁園

畫檻雕欄錦帳陰獨藏春色十分深花開自慣迎人  
面鳥下多應識客心白髮芳筵供燕喜朱旛高閣恣



登臨百年清世真希遇欲倒尊罍興不禁

立夏前一日惜春之作

馬首臨岐欲向東迢迢歸路隔千峰柳垂密翠來無影花落疎紅去有蹤宜爾白雲堪獨臥知吾青鏡得重逢相留且伴黃昏醉愁聽樓頭向曉鐘

邀奎泉漫賦

時兩兒與坐

文采何人似仲宣草堂深處得攀權輕烟不斷浮湘竹香雨頻飛長砌蘭興盡春殘宵燭短寒生庭敞客衣單重來敢惜床頭費白首相知一醉難

濟化邀賞牡丹奉呈鄙句

芳時招飲媿君先花思人情兩豁然絕色籠霞初照眼孤根磐玉幾經年春留海上頻來客酒對青山最好天滿耳管絃豪貴賞蕭騷曾有句堪傳

春歸

江亭尊酒送夫君百歲良緣手暫分短劍有懷邀落日長繩無計挽歸雲花飛行色千山滿鳥嘯離情幾樹聞此去歲闌應返旆好傳梅信慰殷懃

送近翁江魚和韻



倚閣烹鮮醉夕天長安回首望幽燕萬年寢廟開春  
薦千里帆檣送使船玉筋不緣天上舉雪鮮那得世  
間傳野人一味賓筵獻看取高懷中聖賢

讀此庵詩用近翁韻

冀北淮南共一天塞鴻何事欲歸燕凭闌酒滿花飄  
席倚棹江清月載船十里芙蓉留我採百年鸚鵡對  
君傳北窓又好義皇夢步武高風有後賢

春盡同澄之維新飲懷慎內兄宅

看山每到白雲深花落春殘一醉心老去訂盟尋谷

口興來招隱憶山陰古槐覆院清留戶鳴鶴窺人響  
過林愛客總戎全脫俗不妨袒跣縱狂吟

小園晚坐思有所往

滉瀟湖光落照斜暝烟歸盡樹頭鴉綠堤日醉餘春  
酒隔水風吹別院花碧柳濃遮雙鶴徑青山遙對一  
人家採芝何處投吾杖滿路驚塵掠鬢華

看營龍渠墓地

江臯談笑覓佳城回首那期判死生緩步尚留沙上  
跡前知翻得路傍名玄堂水遶龍蟠穩華表風高鶴



夢清此日芳洲重指點淒其淚滿故人纓

同維新漫遊一首

惜春無計挽春歸日日看山歷翠微笑我登臨非謝  
傅許君觴咏是玄暉花枝對酒香堪摘月色當筵淨  
不飛往復流光應便轉何妨分手暫相違

春歸

江城何處問春歸浙瀝空庭花亂飛樹上提壺頻喚  
酒風前飄絮故沾衣羈人旅館晨聽角愁婦粧樓暮  
倚扉底事乾坤易銷歇欲從真宰叩玄機

春歸再和前韻

三月盤桓一旦歸冷風疎雨暮天飛攀留無計空投  
轄悵望多情已拂衣別淚定應添海水離魂猶自繞  
花屏箇中不向時人說造物生機是息機

苦晚雨登樓懷鄭澄之

玄雲飛雨下青冥帶濕蒼藤挂草亭玉液那堪供卒  
歲丹砂未許返頽齡危樓落日沈滄海遠樹浮烟隔  
翠屏此際懷人倍惆悵一杯成醉復成醒

偶留鄭澄之諸君對飲



舊業堂集 卷之一  
漫飲危樓對夕暉盤飧只有北山薇閒心尚欲論成  
敗浮世無勞問是非獨眺目隨天共遠易銷年與日  
俱飛草堂闕後堪留客尊酒時時願莫違

有感漫賦

塊然一室五湖東四海何心入夢重簪筆昔曾千袞  
冕薜衣今已謝章縫長松偃蹇風前鶴短袖蜿蜒雨  
後龍自識出門還有礙深山長倩白雲封

小築初成

誅茅漫構數椽新對鏡羞窺兩鬢銀十日棖題長帶  
雨看山杖履總生塵天高獨夢銅龍遠風暖雙飛海  
燕頻從此身閒復何事渚花潭月伴垂綸

送黃儿山歸江西

春木凋榮秋草枯相逢何用詠薜蘿魯恭玉殿名俱  
毀漢武金莖事已誣拂袖清風江上滿引杯長劍匣  
中孤扁舟楚水安流去白鷺洲前酒易沽

聞撫院放水築堤

百里鴻流平地收勞心民牧尚深憂回天有力消三  
尺濟世無能獻一籌燕雀穩棲應自喜魚龍高臥不



相謀懸知萬鼓鳴秋賽卒歲先銷十口愁

送張南淮教授東昌

桃花飛雨過東昌泗水分流別恨將十載一官空首  
宿萬年五教只綱常儀刑里閤推陳寔問辯門墻識  
李長莫道此行瓊尚冷秋陽親覩 聖人鄉

偶作

白雲何事去青山旁午征車不自閒夕嶂獨浮蒼靄  
合春城空抱碧湖灣江花照席時能醉霜桂依人日  
可攀從此冥心塵堦外一溪新水臥柴關

西園雨後閒步

忽漫桃花雨過林輕雷不斷小湖陰樹頭風動紅英  
亂池面波翻翠帶沈殘日已銷山徑滑孤雲猶護鳥  
巢深杖藜階下尋芳去一踏香泥一賞心

見新荷呈奎老

萬點新荷湛碧前漣漪池面見澄鮮雨餘瑟瑟珠仍  
碎日上團團蓋欲圓摘去不成鋤下笠挑來難作杖  
頭錢會須十丈邀君醉笑捲香風瀉玉泉

園中對牡丹戲呈內兄張懷慎



別館逢君三月中白頭應識主人翁  
深心以惜經年別嬌態猶粧舊  
日容頻倚畫欄看國色漫開錦席醉  
春風倥忽未辦邀懽費笑向元戎索小東

邀客看花

花前大雅總風騷容易招尋十二豪  
文采欲成梁苑會幽棲不學鹿門逃  
佳辰尊酒空雙眼浮世功名薄一毛  
飲罷深林轉殘燭如雲飛蓋德星高

西園對花

坐對粧容百媚生花王應得稱斯名  
情深不語空飛蝶思懶無媒獨聽鶯  
忙典敝裘克酒費坐邀嘉客趁春明  
風流不愛高唐夢聊伴寒松百歲盟

雨中邀客賞花

權開綺席醉花王風雨多情爲洗粧  
玉貌絕塵偏着色翠裾含潤更生香  
陰沈總覺春光好沾濕翻令客興狂  
滿繫青絲沽酒在早過山麓動飛觴

賀張此庵七十

錦筵春酒祝華封繞戶氛氲紫氣重  
香譽滿城喧鼓吹醜顏初日照芙蓉  
官清故匣空留劔興遠高齋獨



種松攜手百年滄海願孤筇短棹歲相從

同戴儲諸君子看園中芍藥

竹裏看花是舊臣逢時日醉故園春蓬蒿自隱成孤  
侶松桂相攀得數君老眼徧開青簡舊芳樽長照白  
頭新風塵滿地鷗眠處烟水蒼茫自可親

懷城南小構

隔水誅茅古寺東旋移棲息爲明農一階天上簪纓  
客百畝城南田舍翁插柳近門陶令似種瓜留圃邵  
平同他年江海談吾者多在庵居社飲中

讀屈平九歌

齋心淨室讀湘君欲吊忠魂隔楚雲明月九淵沈素  
彩幽蘭千古播清芬遲回白日空相照悵望青天杳  
不聞去矣那須冠佩異短蓑堪伴海鷗羣

陪遠客看田

老向人間已澹營不將高臥閉春城片帆海上成孤  
往百畝淮南畢此生蒼杖似龍行地穩白頭如雪照  
江清買山客子皆年少底事來尋谷口耕

看田晚歸



舊詩堂集 卷之一 二十九  
晚棹歸來一葉輕  
望中繚繞是山城  
熒熒漁火浮川  
動颯颯江風拍岸生  
野色烟光人自醉  
酒懷棋興客  
俱清深山尚可羣  
麋鹿混俗何妨學  
偶耕

晚眺卽事

晴山晚眺鬱嵯峨  
歷歷雲中萬樹過  
繞徑落花飛不散  
定巢新燕語偏多  
臺前春色翻紅藥  
湖上晴光漾碧波  
世事糾紛憑一笑  
等閒天地柰予何

月夜懷碭尹吳筆山

帝里分符是勝遊  
行春應漾木蘭舟  
登臺沛上雄風起  
拔劍芒中赤電浮  
桃李在門人自去  
雲霄有路客難留  
月明今夜清如洗  
遼渺相思倚庾樓

獨出南郊歸途作

寂寥江上暮春遊  
竟日緣堤看水流  
老去獨憑孤杖健  
閒來不掛一絲愁  
驛樓天際遙如點  
山寺波間漾若浮  
自笑五湖東下客  
年年散髮弄扁舟

代東邀奎泉懷宇二丈

興盡方書幾百篇  
平臺徙倚看青天  
空園戲蝶紛飛雪  
淺水新荷翠疊錢  
滄海有人閒盛世  
丹丘何處覓



真仙玉壺花下多春酒一醉還期聽解玄

題舊業堂

投珮歸來不記年草堂猶自檢殘編閒看白日西飛  
景靜結青山老去緣問字錯疑楊子宅撫琴空對伯  
牙絃午窓寂寂無人語一榻松風夢葛天

同鄭澄之戴維新諸君對芍藥

紅藥花前鄭子真閉門不識海陵春偶緣短札過山  
麓遂得孤筇照水濱懸榻翻爲湖上客買舟親見越  
中人紫芝歌罷乾坤老共臥商山作漢臣

小疏自陳謾述

清世何當久濫竽一封天上乞歸歟羣龍騰躍清冥  
遠獨鶴昂藏白露疎馳騫老羨千里足寂寥閒愛一  
床書還將餘力耕南畝歲賦官家十石儲

賀王近翁七十詩

金屈卮浮綠葢長嵩高賦獻聚星堂通津尚注郎官  
澤列郡猶傳太守芳玉杖翠裾便露寫錦筵紅燭引  
天漿弓裘繼世多龍種應有昂霄聳壑郎

友人園亭晚坐



爽入涼秋日日晴暮山孤迥小湖平一聲新鴈橫空  
度幾點殘花傍水明鍊藥欲尋壺裏訣爲農恥受里  
中名虛亭月上清吟起蕭瑟風來萬樹鳴

上許侍御史閱操

柳營晴日縱觀兵動地旄旗擁鳳城鹵海霜威新駐  
節武林風采舊知名月明千里狐應伏雨過三山草  
自生回望西臺蒼翠處白頭猶自壯心驚

夜坐偶述

萬劫勞生兩鬢絲閒心猶似少年時彈棋夜半頻開

卷縱酒人前漫賦詩齋下蓬蒿長不剪山中風月浩  
無私疎狂何意名當世黃葉秋深祇自知

秋日南庄邀吳筆山諸學博

廣文高興寄晴郊盡日相羊倚畫橋笑對野花同澹  
泊坐臨秋水自逍遙草堂月照初來客葦岸風迴欲  
退潮烟散空江何所有浮沈幾點白鷗飄

其二

古槐疎柳匝芳郊別墅攀攏水壓橋薦美尚嫌魚網  
小選幽何惜馬蹄遙百年鹵海秋開宴十里晴江晚



聽潮入耳清言渾忘老寧知短髮逐風飄

秋日同幼名幼曦任甫分田晚歸

返棹迴流夕有聲乘潮十里小舸輕鴈橫遠漢孤雲  
沒星帶殘河一水明清世閒人安野隱浮生老計辦  
春耕同心共結沙鷗伴百歲懸知不渝盟

重陽日辱海防程公小蒲邀飲鼓樓席上作

危樓山立碧嵯峨廉鎮邀懽九日過低壓層霄高鳥  
度周環萬井衆星羅青天有月人皆醉滄海無風水  
不波徙倚欄干重回首從龍西北五雲多

季秋同丁任甫諸君南郊踏田

秋原萬木正蕭森墟里朝烟上遠村豐露露似珠明草  
際長河如練接江門飛騰雲路看千里寄傲霜林破  
一尊溷俗漫營糊口計高風未許衆人論

再和張總戎被薦

提兵東海試師雄每見旌旄拂彩虹風靜馬閒無改  
服草枯鷹疾有彎弓幕中幾卷留侯畫淮上千年召  
虎功從此勲名霄漢遠尺書知不忘愚公

看蓬直齋顧侍御



孤舟帶雨曉寒過十里悲風送挽歌落日西飛無反  
照長河東逝少迴波虬盤短栢瓊枝小馬鬣新岡紫  
氣多何事歸人重含恨乾坤終古亦消磨

同海防程公飲顧直齋宅因簡王近翁

慙慙再接使君懽柱史門庭十丈寬椿色儘留西日  
照劍光空閉曉霜寒登筵作客愁聞笛覓句逢人笑  
賣冠底事白頭相見少春風獨向醉中看

偶述

老去營營底事忙不將檇散恣清狂懶龍自合藏溟  
海良馬猶知惜錦障霜白攢鱸開酒甕月明拋卷弄  
琴牀閒來剩有山中樂肯向人間問短長

見梅花期儲幼安一醉

凍雨霏微黯未開折梅何處送春來香清不帶芝蘭  
氣骨老猶堪鼎鼎才攬勝昔聞橫月觀凌虛今見繞  
風臺相期一醉尊前興共撲瑤花入酒杯

月夜有懷筆山

傾盖風期早已投芙蓉江上喜同遊窺雲君似瑤臺  
鶴浮海吾猶雪浪鷗細苻芳春懷壁水美人良夜夢



青樓慙勤更有東籬約一醉黃花送好秋

賀劉子材六表

攜手師門昔記曾月明霜白對寒燈風塵浮世中相  
悞烟水名山晚共登盎盎歲開金甕酒熒熒時照玉  
壺冰心期欲上高筵頌小阮青霄第一層

贈筆山吳學博之任碭山

一點帆檣芒碭高洪流搖曳近青霄鳴琴坐令清風  
滿題筆閒將白晝銷江海壺觴催別棹門墻巾舄擁  
征輶他年虎竹分良牧明月樓頭聽玉簫

過瀛溪翁近園時儲幼安讀書其中有感

慙慙尊酒故園情潦倒重來百感并簪弁已非當日  
客松蘿還是舊山盟經傳十世青瑣在劍倚層霄紫  
霧生花鳥春明觴咏處伊吾猶似管絃聲

西園接東村遠客

一枕松風夢未醒忽聞戶外履綦聲逢迎坐上迷鄉  
井談笑山前道姓名投釣老尋烟水伴開尊閒遣歲  
時情深心不欲逢人說只向春田問早耕

同戴維新過懷慎公宅



莽莽區中榛棘多高齋疏豁最宜過月明老樹雙棲  
鳥風細危墻獨掛蘿萬里烟銷龍劍暗百年人合鳳  
簫和知君跌宕能容我祖跣臨觴發浩歌

書近翁扇面二首

投珮曾懷採蕨謀白雲黃綬臥滄洲名山靜闢千花  
塢長日閒開萬卷樓僻性老安衡泌隱雄文高占石  
渠留心期共買西湖棹歲歲垂竿碧水頭

其二

空園長與靜爲謀緬想清風勝十洲問字日過楊子  
宅銷憂時眺仲宣樓閒來綵筆花邊立興到金樽月  
下留不向塵寰縈萬劫時聽笙鶴北山頭

挽顧先生

百里棠陰長未齊閒庭芳草暗萋萋青天月犯星宵  
隕玉樹風鳴烏夜啼浪跡不留窮海北清魂應返大  
江西攀號空谷臨流水一路哀聲咽鼓鼙

代王近翁輓

錦囊無驗術虛聞愛日空悲孝子心月照郡齋松影  
寂雲留官閣鶴聲沈棠華正倚溫風長椿色何孤苦



雨侵惆悵暮帆江上去恩波猶自五湖深

又代林孝廉輓

月滿江天濁霧生  
熒煌無復少微明  
訟庭寂寂松風咽  
官舍蕭蕭草露盈  
機杼不鳴山犬吠  
關城空守野狐營  
離亭更有迷途恨  
長醉何人爲解醒

又代丁孝廉輓

桑梓長懸故國思  
况逢游子哭親時  
朱旛鹵海來何暮  
白馬邗江去未遲  
雨露萬家遺澤在  
冰霜六月故人知  
相看淚落西流水  
遙過螺川驛下祠

又代翼兒作

轅下空懷剪拂心  
長鳴誰是舊知音  
擔囊有分庭猶遠  
浴藻無情水自深  
顧盼幾人稱白璧  
飛騰何日識青衿  
麻衣獨伴高堂去  
哭向門墻幾度尋

挽余學博先生

青芹碧藻別成春  
伯起芳聲滿士林  
和氣堪憐玄圃玉  
冷官能却益州金  
魂歸千里越山遠  
澤被三年楚水深  
每哭浮生不下淚  
爲君今日重沾襟

沈園與維新對局連勝因期鄭老爲次日之遊



風流未許學文儒一笑高陽舊酒徒落日迷花蓬髮  
短清時談劍壯心孤興酣搖筆山應動戰勝驕人鳥  
欲呼不醉空令負知己青絲十丈更提壺

舍間留澄之丈小坐用前韻

高冠山澤舊臞儒幾歲烟波作釣徒身寄白雲心未  
悔名留滄海道何孤臨橋酒薄猶堪醉隔舍談高不  
敢呼却笑風塵數椽在曾如攜手入懸壺

西園漫興

依舊龍泉紫電光風塵無事件滄浪釣磯平拂隋堤

舊業堂集卷之二

吳陵凌儒真卿甫著

甥 袁懋貞居易甫選

孫 凌似祖無念甫訂

詩 七言律 二百一 首

題湛碧亭

百尺長虹俯畫橋綠波偃臥兩龍高虛亭湛湛涵孤  
影芳沚泠泠鑑一毛月上似看秦嶺雪風來不作廣  
陵濤凭闌盡日清如洗水氣翻憐濕短袍

丁孝廉張揮使柱顧西園



花殘猶有客攜壺春去園林興不孤俠士文章堪倚  
馬將軍膽氣欲吞胡夢中早授江郎筆囊裏多藏玄  
女符爲笑少陵心未老醉狂清夜舞昆吾

立春日與客小坐復有所期

香撲梅花春氣浮酒闌徐步碧池頭林端纖月參差  
見江上輕雲次第收鸚鵡盃容人數醉鳳凰城許客  
頻遊明朝更有芳郊約倚劔憑陵望海樓

翼兒生辰漫興

不作閒愁老却人危樓高臥楚江濱檢書悟盡平生  
事縱酒銷殘百歲春早譽已從名字舊堅盟肯逐世  
情新四方有志看弧矢遮莫書成上紫宸

贈宗國醫

滿耳人稱九折公一囊春散萬家同刀圭漫試神仙  
術湯液平分造化功跨鹿山中形半古懸壺市上眼  
全空良醫未學慙良相濟世無緣拜下風

秋夕對庭樹感懷擬奎老一醉不得

長風騷屑葉初黃白髮飄零早自霜天地愛人偏棄  
老乾坤嫌我獨憐狂可知仙桂秋堪折謾道靈椿晚



更芳欲把一尊聊共醉竹林何處覓嵇康

短句戲呈奎老

避地黃村十里灣偶來城市不知還錦囊何用腹長  
飽瓶粟未儲心自閒浮蟻百盃鸚鵡綠持螯兩袖鷓  
鴒斑對君我亦風襟好中聖時時學景山

景山徐  
邈字

新鴈

霜飛木落鴈初來橫影迢迢過玉臺幾陣長河江月  
白數聲層漢楚雲哀機窓織婦絲千縷旅館羈人酒  
一杯憐爾稻粱何處覓淮南滿地盡污萊

戲呈奎老不至

分攜重惜各蹉跎萬語叮嚀曉徑過短蓋虛疑來近  
市小舟空令候長河誰家歌舞留人久何處烟花醉  
客多騷屑滿山風月在可令芳景擲如梭

訪奎老姜堰道中卽事

扁舟東下路漫漫海色晴連雪後看千里波涵春水  
濶一村烟動午風寒懷人落日山陰往避地清時谷  
口槃薄暮停橈還悵望白雲深鎖子陵灘

姜堰訪奎老途中先書促會



十里長河望不窮  
蒼茫孤嶼海陵東  
瑤華兩岸春在  
野白日半江寒  
映空頻轉輕橈  
隨過鳥早傳短札  
付征鴻  
平臯曙色催來騎  
莫畏清霜點鬢蓬

海陵春榜未得報二首

聖代搜才羅網寬  
龍從佳氣滿長安  
曲江宴喜從人  
醉上苑花繁  
任馬看海上  
驚飈多落羽  
淮南新水足  
垂竿誰能佩  
有龍泉在拂拭還  
衝星斗寒

其二

九萬扶搖雲路寬  
搏風延頸望長安  
崢嶸事又三年

過冷落春將千里看  
題柱有人乘駟馬  
掣鰲無處問  
漁竿翻飛回首青霄近  
誰道清時盟竟寒

上太父母劉公詩一首

百里分符出建章  
車行雙鹿引循良  
漳河地勝來騏驥  
滷海時和下鳳凰  
寂寂訟庭長日靜  
陰陰臥閣好花香  
泰堂明月千年在  
霧斂雲銷夜夜光

辱龔公祖寵顧兼惠教條議諸篇奉呈二首

洪流海上歲妨農  
保障長淮屬鉅公  
膏澤浸淫饒澍  
雨炎蒸披拂待清風  
五湖春落高原白  
千里秋登沃



野紅垂老自憐耕舜畝敢云諸葛臥隆中

其二

綠鬢清時漫許身白頭窮海作閒人每看雲鵠摩天  
遠獨對江花照水新鼎業夔龍波自潤石交稽呂味  
堪親忻逢廉鎮憂民瘼暇日單車訪舊臣

見吾譚父母入

覲回出迎三首

陸領宸章出御河春風二月廣陵過懷人海上三刀  
夢報政天邊五袴歌擁蓋川原生色相回車雷雨發  
陽和欲知借寇人心喜彩仗街頭竹馬多

其二

片帆春曉落長河彩掛城頭五馬過委巷停梭機女  
看中流鼓枻榜人歌山晴倍覺鶯花麗風暖增聞鼓  
角和環望東南三百郡懽迎似此恐無多

其三

翩翩征旆駐城河父老爭迎扶杖過旅爲擁途商罷  
市花因含笑鳥能歌衙排曉日門庭肅家散春風里  
間和從此泰堂明月滿清光分照伏龍多

暮春邀譚父母拂塵時小雨二首



朝天歸馬帶車塵披拂江城萬彙新樽俎小堂邀上  
客鶯花長日醉芳春褰帷疎雨沾衣細入座清風吹  
酒頻最是福星臨海嶠循良留得漢廷臣

其二

回枯好雨應時來會有蔬盤江上開吏道共推黃霸  
政文名原擬賈生才寒沙照見吳陵月大國香分庾  
嶺梅多暇葛疆堪御馬不妨長醉習池回

小園邀魯老公祖頻辱佳什惠教倚韻奉謝

丰姿玉映絕纖埃三徑攀權小隊來明月一庭涵翠

篠清霜五夜點蒼苔山光故向芳筵落春色俄從寒  
谷回菡萏何人稱倚馬連翩珠玉美題才

其二

半畝宮無一點埃驚塵車馬擁門來掃開空谷山前  
霧踏破寒亭松下苔舞罷歌殘人未醉月明霜白客  
初回清時老合淮南臥萬里雲霄看楚才

小園邀徐公祖更定始至

青幡黃蓋繞荆扉五馬行春寒谷暉日短已拚燒燭  
待月明猶擬看山歸鑪頭竹葉聲浮動塢裏梅花香



暗飛莫道野人供具少盤飧還有渚魚肥  
小園邀徐公祖諸公飲罷又赴他席  
遠塵開徑隔長河詎意能來長者過山瘦不禁霜色  
重庭虛還受月明多追懽愛客勞車轍避俗盟心戀  
薜蘿客散青天寒氣薄繞梁猶聽隔筵歌

冬月西園邀九岳張春元二首

采石江頭挂席來開尊南斗對高才寒威犯席霜華  
落春色窺人柳眼開攬勝特過棲鳳地探奇誤訪釣  
魚臺上林回首花枝滿走馬先看庾嶺梅

其二

餘月邗溝夜泛槎文星先映草堂斜百年道義人千  
里四海交游天一涯何事倚牛懷甯戚且從提劍識  
張華摠趨莫負門墻望欲把孤經問絳紗

三月牡丹亭邀王德仲諸君共賞

三月湖山春正賒臨池有客醉看花詞鋒崢嶸揮長  
劍文綺聯翩振落霞閒借林塘窺物色老憑觴咏度  
年華廣陵多少名園在似此風流得幾家

西園牡丹和王德仲韻



草堂遙落清淮水灌得名花壓衆芳舞態臨風嬌欲  
語粧容迎日細生香物華三月私青帝春色千年傲  
洛陽最是佳人愛才子懸知含笑向槐王

西莊落成九日對客三首

卜築平臯攬素秋賓筵初敞郡城頭月塘東注清流  
合天日西飛紫氣浮鼓枻不妨漁浦遠捲簾自愛鹿  
門幽勝遊此地成高會方外何須問十洲

其二

招尋鎮日共徘徊半畝宮成數頃開山色空濛當檻

落水聲澗疊抱城來佩萸歲歲淮南酒吹帽人人鄴  
下才高興憑陵殊未已環城步履晚登臺

其三

悠悠欲學子真耕避俗南山不用名歲熟社前秋賽  
早月明江上暮潮平坐逢雅客頻呼酒臥近譙樓數  
聽更邊鎮只今憂聖主誰人萬里作長城

冬日家兄席上口占陪飲

錦堂月白帶寒星銀燭金尊照畫屏笑指故山呼一  
老喜逢良夜對羣英聲飛壺箭笙鏞歇香散梅花几



杖清雅興燈前還不盡一樽明日過西城

呈李應魁翰林姻丈

酒醒虛堂霜月明撫時忽動故園情碧湖芳草年年  
綠絕壁孤雲日日生物色最憐天共久人心那得水  
如平知君獨抱松筠性好結梅花百歲盟

園亭酒後夜坐寫懷

雙鶴依然共此亭夕陽雲路鳥冥冥月明竹塢千竿  
碧霜白松林幾樹青身絆浮名人易老飲逢狂客酒  
難醒閒心最好深山臥割席還期過管寧

樂軒奎泉懷竹偶集笑比四皓遂賦之

去秦攜手入山深歲月淹留老共侵含露紫芝聊可  
採摩天黃鵠杳難尋偶同異代棲岩色不似當年避  
世心更喜漢朝無缺事白雲華髮臥長林

首春盡小挈同澄之維新過沈園

共戴柴桑處士巾空園短杖踏青春呼鄰蕪酒真遊  
客開閣看山卽主人細草浮烟空自碧長風吹鬢總  
如銀懸知心賞重來日花鳥懽迎醉眼新

席間贈友人



窮交海上白頭新老去春來相見頻我向風塵成倦  
客君於天地作閒人烟波處處鷗堪狎冰雪年年石  
不磷壁立空山詞賦在黃金誰贈馬卿貧

曉起期儲幼度

夢回蟲響送閒愁蕭瑟西風欲滿樓月色疎簾江郭  
曉露華深院海門秋孤吟漫向清宵動萬事多因白  
髮休最是琴尊堪歲曉不妨終日碧池頭

秋日小園留幼度任甫諸丈

對局開尊坐傍山瀟然物色異人間清風幾樹蟬聲

少落葉一庭秋意閒好客自宜過勝地仙源疑不隔  
塵寰相逢未遇林中伴雲水重重只閉關

臨池對客

霜降楓林葉半蒼芙蓉無數照池塘飄飄亂點秋江  
色澹泊孤含晚歲芳題筆幾人凌泰岳濯纓千載詠  
滄浪相逢總是清狂客醉倒尊前也不妨

秋晴期王明陽踐宿約

雲斂高空爽氣清百年今日值秋晴溪光倒映一天  
碧山色遙看萬里明江海波澄烽火靜樓臺露冷月



華生開門正好延三益况復籬花有舊盟

壽待封徐老夫人七十詩用近翁韻

百歲華筵海上開北堂香篆繞庭槐光浮白玉月當  
席花散黃金秋在臺賓從四方籠鶴至神仙萬里躍  
龍來臨山不斷長淮水添入年年壽酒杯

題仙子爲徐母祝壽

環珮長居十二樓飄然覓伴下瀛洲步虛忽到中丞  
府按節剛逢少昊秋華髮玉容形酷似人間天上壽  
清律綠衣愛日懽親酒明月黃花共勸酬

代題仙子壽徐母

不騎鸞鶴獨乘風萬里飄然過海東解珮何曾逢鄭  
甫生毛還自說秦宮因餐玉屑頭難白爲飲天漿面  
易紅信是夙緣來傍母長留踪跡畫屏中

又代

爲趨壺天日月閒手持仙籙到人間緱山駕駐鶴先  
往秦館簫終鳳未還珠絡繞身生紫氣丹砂入口換  
朱顏高堂母氏堪爲侶應共長生第一班

代戴博士壽徐母



懷舊來登壽母堂當年顧盼借輝光一經自對秋花  
老百甕猶沾春酒香舞袖影翻江月亂歌鐘聲徹海  
天長仙媛定有延齡藥願向冰壺乞玉漿

正月二日雨中作

一雨爲佳再雨多可堪遊興暗消磨滿城着屐春何  
在每日開尊客未過塢裏疎梅含濕放簷前好鳥待  
晴歌沈陰縱令新陽閉已有東風扇薜蘿

元日呈近老

幸際昇平六十春錦衣華髮舊朝臣五雲日下瞻天  
遠萬象人間獻歲新杖履自宜清世健鶯花不棄故  
園貧蔬盤閒擬尋王粲歲歲晴江理釣綸

新歲初酌維新歸早漫述

小簇辛盤試早筵春風依舊故山前滿斟酒對猶寒  
日半醉人歸未暮天家住寰中無事擾身耕海上有  
詩傳追懽共取清時樂花鳥相隨到百年

却友人請

坂上兒童日暮時長鞭驅我欲何之不知隴上元龍  
傲只說江東王椽癡老去何堪牛馬走饑來未敢稻



梁思從今願把柴扉閉高閣清風但詠詩

過溱潼觀鎮居蕭條感而賦此

躊躇湖上欲何之古鎮經過亦片時東觀逢迎無地  
主碧山名姓少人知寥寥墟里風烟斷寂寂陰廊壁  
蘚滋舊說溱潼最佳勝壯遊應恠我來遲

秋日懷西園因憶戴奎老

歸心終日鳳城頭蕭瑟山堂景色幽柳脆新霜千樹  
暝菊團香露一籬秋邑廬何事風烟隔野服偏憐鶴  
鷗遊遙憶玉人清興在夕陽回首蓼花洲

莊居期澄之鄭丈用前韻

搖落西風碧水頭菰蒲猶帶小塘幽閉門白日孤村  
晚倚杖高原萬里秋楚畹椒蘭還自佩吳門烟月復  
誰遊茂林多病箕山老早晚輕舟傍釣洲

久陰

欲從真宰訴秋陰九萬玄宮帝里深雨泣積禾疑吐  
玉水眠短穗訝埋金掃門黃葉封丹井隔浦蒼烟鎖  
碧岑宜有西風披宿霧早晴一慰老農心

重九荒莊對客



舊業堂集 卷之二  
九日重逢洛水濱高原攜手共登臨囊萸舊俗新衣  
佩落帽長風短髮侵千里夢回孤棹遠百年緣結一  
枰深庭中有客清狂甚醉後懽歌起越吟

九日二子來莊飲西隣家漫致期待

老景留連北海濱片雲漁父日相親香生桂宇風飄  
席影落柴門月近人楓葉亂翻金井冷蓼花閒映碧  
溪新明年此日輕颺起遮莫雙鴻上九垓

守歲

殘歲人間幾刻留懸知春氣暗中浮吾生又是一年

過世事都從百役休問酒品多元亮宅檢詩類滿仲  
宣樓椒盤守歲還同俗繞膝兒孫戀白頭

迎春日一首

青郊擁仗入城闈萬戶千門綵燕新黃道已頒周曆  
日銀幡還賜漢宮春留連歲酒招無客管領東風別  
有人今夜陽和天上轉懸知雷雨四時均

新年二日作初三日立春

兩日晴光照海涯輕寒江郭見霜華和風已煽先春  
酒臘氣猶含隔歲花海土舊人留我輩席前明月照



誰家行吟伴鶴山中去爭食爭飛任亂鴉

立春日招飲諸公

春色相將到草廬清尊帶雨興應餘  
鶴鳴欲報青霄爽雲起爭開綺閣  
疎門祚愁銷三臘後賓筵喜薦五  
辛初獨憑文字留連飲不使年華半  
日虛

送戴廣文赴選

折柳長亭春送君新鶯宛轉數聲聞  
江頭人別期三月馬首天開見五雲  
不憚風塵馳未路總緣世教屬斯文  
稻梁應滿南飛願飲啄懸知憶舊羣

季春同恒山諸君登荒園小山

短栢孤亭江上山城隅西下隔塵寰  
逡巡酒滿呼棋過窈窕峯高倚杖攀  
三月春當今日好百年人得此身閒  
招尋莫厭蔬盤數相對尊前鬢總斑

恒山有詩和登山再疊前韻謝之

乘春挈榼一看山爲愛香塵匝翠寰  
海上浮雲門獨掩淮南叢桂手同攀  
詩成健筆雷霆鬪身退清朝日月閒  
莫遣韶華負尊酒東風回首落紅斑

壽香亭



誰家亭子壽香題古桂靈椿雲與齊身倚露臺千歲  
久手攀天闕幾枝低真人鶴駐山應北仙子花開日  
未西倘許門關時爲啓春風秋日酒長攜

睡起倚門述懷時里中錢亂甫定

啼鳥聲中春夢銷靜來翻覺向來勞枝頭紅杏花空  
好江上青峰山自高九節暫拋王烈杖一揮漫試呂  
虔刀柴門此日驚塵定獨立長風吹鬢毛

張將軍攜酒小園幼安諸友咸集

還將春興對花銷不惜移尊使者勞日暖柳塘風色

好夜深山閣月華高酒徒跌宕儒服義士憑陵鼓  
市刀容易滿堂文武備筆毫含彩劒吹毛

迎春阻雪期奎老諸君

安排綵仗迎春至擁地無如積雪何士女不喧車馬  
少樓臺空對管絃多人間樂事圓中缺天上陽春暗  
裏過莫遣佳辰成寂寞草堂尊酒共高歌

立春日西園期奎老

東風爲報好春來小塢梅花一夜開綵帖萬家新日  
月辛盤五菜舊亭臺漢宮天上幡齊剪楚俗寰中鼓



亂催對酒不辭呼博士一分岐路幾時回

奎老赴選有期期之一醉

攜手交遊四十年何堪垂老各風烟君將天上分符  
往我自山中對酒眠千里好花迎疋馬滿園明月照  
殘編相逢不盡尊前興別後相思空惘然

元夕後一日王父母二守攜酒過小園席間作

問柳尋花興不禁遙開錦席向荒林滿山燈火孤亭  
迥五夜笙歌別院深喜氣光添梅月色懽聲嚮應竹  
風吟習池莫作山翁醉總是行春露冕心

贈余國醫

濟代公來江上頻鶯花相對白頭新九還已授千年  
訣一裹猶生四海春青鹿擔囊長作客玉壺懸市幾  
逢人柳條折代黃金贈莫向雲霄話隱淪

奉命南還小建書屋一首

暫緩王程理故園草堂移向梵宮前湖光暮帶秋山  
雨柳色晴涵野墅烟藜火夜明高鳥下緇塵市遠綠  
蘿妍盤桓何日來投老閒課兒孫三百篇

西園卽事



徙倚青山一草廬參差烟樹夕陽餘池通曲水秋容  
澹門對高原夜色虛習定有僧堪結社驚塵無客漫  
停車閒心日苦簪纓縛小坐孤亭賦燕居

聞唐龍渠移館泰山與小園逼近喜而賦此

森森萬木草亭孤地僻林深人到無流水抱城龍欲  
臥虛簷依樹鳥堪呼滄溟東下天連海翠巘西開日  
射湖聞道故人爲洞主好乘良夜一攜壺

小園移竹和龍渠

瀟湘帶雨手親栽滿目扶疎一徑開礙日琅玕霄漢  
上冒霜蒼翠歲寒來輕塵不染孤君節高詠還推七  
逸材待取長竿三百尺西湖同上釣魚臺

園屋初成勉毛翼二子

一枝低結故園新歲晚寧知卜築心十畝細耕春雨  
足百篇幽討夜燈深紫荆燁燁田真宅綠竹青青衛  
武林珍重過庭雙驥子好將短句日長吟

冬日卽事因呈戴奎老

海上星輶歲暮還馳驅暫歇草堂安山鐘晚渡孤城  
遠野樹烟籠十月寒性僻苦吟霜夜短身閒高酌海



天寬比隣况有江淹在瑤草春回擬共看

潘雨田郡守擢刑部郎却贈

蒼旻夜色動星芒五馬朝看紫綬光官拜西曹唐律  
令政成東海漢循良風烟江上連天靜花萼城南帶  
雨香欲借寇恂無計挽心隨流水到錢塘

小園留酌潘郡守

天寧橋畔駐旌旄欵飲山亭夜月高臨戶清光侵綺  
席傍簷蒼翠上霜袍抹車裝薄鳴孤鶴恂轍恩深臥  
二毛披豁欲圖連日醉東風回首別江臯

南莊留戴博士沈上舍小坐時八月朔

野外乾坤屬我曹憑陵尊酒任麤豪風迴露葉懸蒼  
鬢秋帶溪光上白袍八月鴈過秦塞早百年人醉楚  
天高看山欲盡重遊興萬柳陰中一小舸

仲秋爲澄之丈覓田不成回山莊小憇

看山元爲買山過一棹秋風鴨子河潮長大江溝水  
足雲垂平野壠陰多謀生計拙天何意出世緣慳我  
自歌暫歇郊居談塞馬夕陽沽酒對松蘿

望江南



回首天南是太湖遠遊今夕客星孤  
河流日挂帆來往山色晴看霧有無  
白水垂竿生事在青霜飛劍歲華徂  
秋風千里鱸魚美欲訪松江滯一隅

攜酒慰懷慎丈

空園懷舊一攜壺爲問將軍愁有無  
暑氣鬱蒸燎客鬢夜涼淒切剝人膚  
天高不聽孤臣哭日黯空令萬口呼  
我醉未醒南浦去閉門聊自著潛夫

沈園奉慰懷慎因開美酒相留

倚檻凭虛午閣涼淹留長日醉清狂  
花開只有庭前紫楓落全無井上黃  
臣節未明孤劍泣客懷猶壯一瓶嘗  
獨愁跨鶴東歸去門掩秋風舊草堂

南莊辱戴儲二丈枉顧不獲款留

多病郊居學養生誰知病裡費逢迎  
白雲不蔽青山色空谷猶聞好鳥聲  
未擬掛冠吳市去漫勞買棹剡溪行  
淹留野外無兼味一飯胡麻對客情

維揚奚戶侯以新詩過褒倚韻奉答

偃仰危樓逼太虛白雲長自護山居  
逢時不折梅花嗅得句還憑柿葉書  
皎皎谷中逋客騎鱗鱗門外故



人車廣陵曲是陽春調容易聯翩下斗墟

早晴懷城南別墅期鄭丈對局

郊墅新晴朝日曛綠陰門戶覆輕雲清湘帶雨看移  
竹碧澗臨風笑采芹野色空濛三逕合潮聲馭沓一  
江分何時戰勝西齋夜滿酌鸕鷀濫醉君

午節過荒園邀劉子瞻唐弘業諸丈

山青雲白海天高病後逢時興轉豪斗酒悲歌酬楚  
節瓣香孤憤讀離騷傍簷鳥雀喧厨粟當路藤蘿冒  
野袍此日池亭須醅酹滿山風月屬吾曹

小亭讀文選

疎箔沈沈晝不開徘徊仍待好風來青峯天外孤雲  
往綠樹池邊一鳥迴烟水有緣歸海曲塵寰無事臥  
江隈閒評兩漢推高手多病相如是賦才

立春日遇雪

霏霏春雪帶春來淑氣凝寒曉不開定有豐年霑潤  
澤可無新句答涓埃影翻絲燕明簾幕花撲屠蘇入  
酒杯笑擁敝裘拈凍筆何如歌舞醉樓臺

夜夢丘月林掌科因呈何主簿



拾遺千里喜神交，嶽立孤標入夢勞。  
話舊前朝同慷慨，論詩清夜獨風騷。  
絢衣林下攻人短，白幘塵中引已高。  
語及掛冠何掌簿，清風端可激吾曹。

芝林卷

高臺百尺倚山巔，瑞草繽紛色色鮮。  
靈物由來天上種，珍符今向畫中傳。  
雲霞影動雙溪外，雲溪 苔溪浮八座山前。  
况是先生多雅韻，偏教歌頌滿瑤編。

秋日同鄭澄之戴維新飲懷慎丈宅

碧空鮮綺暮霞紅，大火初流鹵海東。  
半日笑談肝膽盡，百年提挈卷舒同。  
綦殘客散青天月，酒罷人披白露風。  
更喜中郎全不俗，每逢囊澁典雕弓。

小酌別西臺韓醫

微雨新涼送好秋，角巾相對似南州。  
百年客到還成醉，小院風來不待謀。  
轅下馬蹄三日絆，囊中藥裹幾家留。  
知君懷舊重相訪，掃榻頻開萬卷樓。

竹翁席上陪西臺公一首

秋夕郎官錦帳開，長桑遙自斗南來。  
高談披拂風生席，晏坐徘徊月到臺。  
壺引三漿翻玉井，鼎調六膳對



蓬萊瑤階露下星躔聚瑞彩分明接上台  
雪後懷西園東近老之作  
積素山城凍未消病思扶杖過虹橋乾坤又覺三年  
老霄漢空瞻萬里遙詩句無緣題小閣梅花有夢人  
清宵平生對酒多朋侶此日何人慰寂寥

雪融晚霽

雪銷江郭淨塵氛溜瀉虛簷鎮日聞點地聲聲晴閣  
雨揭天片片晚堂雲屏開不減青山色泉落應添碧  
水文餘月却疑春今早滿城和氣覺氤氳

暮雪獨坐

飛瓊着樹漸成冰冷壓梅花興不勝奩裡子寒棋欲  
凍甕頭香暖酒如澗攀叢招隱舟堪買策蹇尋詩橋  
可登遊興邇來蕭索盡獨將華髮對疎燈

雪後擬過西園

三白先春報有年南山好辦早春田克厨定過柴桑  
粟發甕應辭司業錢天霽樓臺浮爽氣風停市里斂  
寒烟依然池上孤亭在東郭何妨敝履穿

雪中送王近翁郡伯皮酒



瓊花片片帶曦光  
瑞氣氤氛五馬堂  
頭上總輪階下  
白腰間不讓鼎中黃  
華筵正好先春賞  
醪酒還堪對  
客嘗釀法自知非  
白墮聊從陶逕獻  
槐王  
歲殘雨夜開卷有感

擁衾猶自檢書寒  
細雨青燈入夜闌  
寶鼎風迴香篆  
冷石池冰合墨花  
乾歲華儘許閒人  
度世事寧容老  
眼看一卷未終渾  
欲睡銅龍聲徹小  
欄杆

冬日與劉子瞻宮克昌對酌抵暮別歸

身世渾忘兩鬢凋  
孤懷對客興偏饒  
拂枰陣就風雲  
合洗盞光浮日月  
搖江郭歲殘人擾  
擾草堂市遠逕  
蕭蕭分攜獨恨嚴  
城禁斷簡疎燈照  
寂寥

拜曆分贈樂軒諸君

山中歲事欲成塵  
玉曆重頒眼一新  
殘臍總爲三日  
客好春還送百年  
人紫宸共祝岡陵  
固黃道行看雷  
雨均兩册分君將  
令節安時耕鑿作  
堯民

過江遠訪七月朔日返棹途中漫述

十年遁跡蓬蒿地  
一日尋師到潤州  
瓜步過來還是  
夏海陵歸去忽爲  
秋梯航潮落空江  
滿網罟風生近



渚收試問畏途名利客何如高臥碧山頭

東梅紹溪

寥寥淮海覓詩名梅福幽棲古鳳城市上懸壺人不  
識山中拾草藥還成清風索句推先達白首論交托  
後生欲調陽春愁寡和幾回巴曲引同聲

贈蔣少津

傲世真成海上豪聊將虹劍繫青袍身遊市里登陳  
榻門掩蓬蒿讀楚騷把酒夜高天日月談詩風動廣  
陵濤忘年我欲投膠漆莫向沈淪棄二毛

閒眺

盤梯躡磴倚山樓四顧風烟萬里收楚嶺接天來蜀  
道淮流歸海過邗溝松筠悅性開三徑泉石盟心臥  
一丘回首鶯花江上滿買舟南北及春遊

探梅

徙倚欄杆探早梅兔園欲占百花開含英不畏清霜  
墜流影還期明月來帶雪遠尋三楚興繞臺高咏六  
朝才時清何用臨風嗅笑對疎枝日百杯

謝客興



老惜芳時興太豪圍棋博簞日分曹朝傳書札江城  
遍夜倒尊罍山月高照席不堪膏燭費燃爐真覺僕  
夫勞慇懃暫謝頻來客握手春遊醉小舸

六月晦過廣陵辱禹翁留未竟席告別

烟花老去夢揚州乘興西來作勝遊風物自憐江上  
渡人情共訝署中留新聲曲盡梨園妙旨酒香翻玉  
華流何事歸心催別棹半餘歌舞在粧樓

喜晴登西園樓

好雨高原卜歲收還思瓠子塞河流龍門故道無人  
覓滄水玄符有夢求開霽萬家迎瑞日淒涼一夕報  
新秋凭虛漫欲呼鄰父終古愁銷海上樓

立秋後一日南莊期澄之丈

閒愁日日似悲秋况復西風欲滿樓色澹槐宮知火  
斂氣高桐井見金浮驚塵匝地迷青眼急節催人早  
白頭薄酒尚堪荒歲醉故山良夜好相求

澄之丈過南莊晚別

爲憐秋色到柴關蕭瑟空江短棹還落日散金搖一  
水暮雲橫紫疊千山縱觀天地恢幽興大笑人寰破



苦顏莫畏西風催老髮疎簾好對奕棋閒

南莊晨起喜得翼兒書

野墅西風起細埃涼扉寂寂向田開  
河通南浦江流至雲擁東山海日來  
病客自尋湖上草懷人同眺月中臺  
倚閭正切平安望京口書從一鴈回

山莊獨坐戲呈鄭丈

郭外青山對籜冠柴門終日坐臨湍  
五湖雲水秋何處萬里風烟客自看  
準擬竹邊閒蔣詡虛疑雪裏臥袁安  
分甘舊誼吾曹在彈鋏馮驩好自寬

懷奎老

倚杖高原秋思深蒹葭隔水望伊人  
丹楓露下數團冷白鴈霜前幾陣新  
蕭瑟西風悲老大滄茫東海笑沈淪  
佳期莫忘籬邊約九日香開甕面春

秋夕與張懷慎儲幼度諸君泛舟二首

一尊江上看芙蓉山水無心處處逢  
東下滄溟經古渡南開青嶂見孤峰  
物華總覺年華晚秋色翻疑春色濃  
百口未須憂歲計清朝康濟有夔龍

其二



水花真愛木芙蓉四顧滄茫何處逢萬柳江頭迴短  
棹片雲天際出奇峰蔬盤不負秋光好斗酒應添詩  
興濃暫爾林泉同笑傲風雷計日起蟠龍

邀懷宇內丈

木榻幽眠枕簟清夢回西日下蕪城鳥音匝樹涼颺  
起水氣浮花晚霧生沽酒客嘗新市味搗衣人聽舊  
砧聲相逢不盡尊前興折柬重邀阮步兵

挽奎老

江城何處復聞鶯垂老年年哭友生一病俄成長別  
恨萬言難寫故交情春花秋月誰相對古道今人獨  
自評籍有王猷舊高興山陰留得戴逵名

再挽

平生最惜浮生淚此日臨床洒淚看五十年來憂樂  
共百千人裏始終難篝燈無復琴還鼓醉月何由杯  
再乾即使扁舟興猶在山陰空自路漫漫

其二

童穉論交一片心不移今昔與浮沈謳吟每向幽懷  
好契慕偏從古道深傲世尚過高士宅厚人長贈冷



官金小山秋色堪攀折招隱還誰到桂林

定約

倒屣猶能不杖扶草堂三日客來無愁心海上驚時  
晚衰髮燈前吊影孤近郭假山堪徙倚小槽新酒足  
招呼分飛共有離羣嘆五日過從醉百壺

邀錢商卿諸君觀菊有感

三徑秋芳手自栽黃花無數拂霜開風流欲盡籬邊  
興文雅能招海上才身臥水雲塵事遠寒生樓閣月  
明來那堪澤國年荒後畫角城南夜夜哀

贈奎老廷試歸

裘馬風塵客帝京賦成三禮獻承明關西官注天曹  
選冀北文高翰苑名興寄白雲歸暫隱愁窺青鏡事  
長生人間正好山中伴况有當年百歲盟

過南莊

城南挂席出遊頻路熟無勞更問津平野荳苗青覆  
隴淺沙鷗伴白憐人江光滉漾看山遠秋色蕭騷覓  
句新獨恠經過老堤樹短衫斜帽識吾真

送醫士黃中調還揚州



賣藥成都韓伯休片帆東向海陵遊行歌窰裏彈長  
鋏坐隱燈前戀敝裘老去不妨時溷俗倦來自愛日  
尋幽春明欲跨揚州鶴攜爾還登江上樓

挽雲樓長兄

攜手論心六十年忽驚仙逝淚潸然三都賦就推兄  
蚤于佛經成愧弟先匣裏青萍猶照雪階前綠竹已  
籠烟平生辛苦俱雲散留得清風外史編

喜天欲晴過西園

薄霧回風雨乍稀花前不使賞心違雲開海色生紅  
暈日放江光到翠微一旦春愁全爲減百年生事半  
成非招尋早發床頭甕拚取山亭爛醉歸

孟冬朔日山亭對客

暫歇清霜露滿臺晴和偏以小春回短簷日向珠簾  
入虛閣風從別院來白髮不知涼節改黃花還傍故  
人開酒闌客散江城暮畫角聲連去鴈哀

酒後折花贈南淮諸君子

摘花聊慰惜花心自剪江城一片春臺下解粧香不  
斷風前臨別色逾新攜歸欲比楊妃醉折去元非韓



令嗔此日東風暫別手明年來伴白頭人

壽韓醫賦得庭下松

偃盖重重幾歲寒百年蒼翠帶霜看露垂秋葉鶴應  
舞雨過春林龍奮蟠勁節祗堪尋衛友高風不欲拜  
秦官還將花實醫人國種得陰功天並寬

謝戴醫賦得齋中竹

映水干霄翠欲流蘇耽軒外萬筠稠拂窓日日清風  
至繞檻枝枝紫氣浮春雨籜龍依砌長曉烟雛鳳隔  
花遊保嬰名滿江南北不獨香泉潤一州

元宵飲雲樓壽酒賦堂中百老圖

氤氛紫氣繞筵長拜舞來登百老堂閱歲總逢周甲  
子童身同着漢衣裳磻溪若箇歸西伯商嶺何人識  
子房一幅長春仙液滿年年燈月醉霞觴

雨中留金鳳岐諸君小飲因憶西園

江春不爲愁人住山雨頻來沽酒家今日喜逢前日  
客百年空負一年花洗粧卸盡風塵色洒淚沾殘粉  
黛華好語東皇仍愛護餘芳亭畔碧雲遮

自賦



歸向滄洲二十年息機閒傍白鷗眠空濛山氣朝看  
雨滴瀝溪聲夜聽泉對客題詩留草閣得錢沽酒醉  
江天餐霞自試無靈骨聊作人間一謫仙  
寒日客攜尊西園喜蘇後坡亦在

空園歲晚臥松筠錦席無端照眼新幾樹梅花春欲  
破滿庭月色夜堪親燭經三換還留客酒過千巡不  
醉人獨喜詼諧方朔在短袍高帽髮如銀

題王氏避塵館二首

清時贏得此身閒塊石株松隔世寰不向三旌持主  
節獨將五斗駐親顏紅塵不到日開卷瑤草相期春  
入山轉眼麟麒紛遶膝還因婚嫁溷人間

其二

爲愛幽棲別館閒涵虛小洞亦蓬萊琴書帶有烟霞  
色門徑封無市井埃明月半簾花影動清風一枕鳥  
聲來盤桓客共平生好日看春筠長豹胎

初冬小園邀徐民上諸君夜坐

山夕蒼茫開草堂細穿叢竹引清狂漁梁水落釣絲  
短菊院花殘秋色荒四海舊遊寒對酒一庭明月夜



舊業堂集 卷之二  
飛霜攢眉且聽官常論千載蒲鞭名姓香

冬霽過新莊閒坐再柬民上小飲

高原開霽見圖山晴日蒸雲萬片斑慷慨自忘今夕  
老劬勩翻覺此身閒抱城一曲寒流遶巢樹雙飛暮  
鳥還乘興復邀燈下客好將烟水款柴關

荒園奉邀民上賦此代柬

孺子才華海內聞慣遊川陸會平分詩神處處傾三  
斗草聖時時染一裙傲世自能翻白眼致身故不羨  
青雲相看意氣相逢晚蘿逕孤琴日候君

新莊西下水勢如海時聞山東苦旱

黯黯羅浮生暮烟唐灣西下白波連雲雷不斷楚山  
雨林壑仍飛滷海泉望歲只留雙眼在回天空有片  
心懸何人爲導淮南水分灌齊州久旱田

日暮登山忽然雨至

湖外斜陽照石樓片雲俄起北山頭雷聲將雨橫城  
過泉響浮花湧地流老樹深崖還避鶴空山暴雨亦  
驚鷗閒心怕作高唐夢倚杖含愁直到秋

謝湯竹窓



懸壺市上寄仙踪  
歲度雲山幾百重  
藥就丹砂飛白鶴  
杖扶蒼竹挾青龍  
春風駘蕩囊中滿  
造化生全指  
下逢陰德似君何  
可報三槐庭畔露華穠

其二

上醫聲價楚江邊  
負笈懸壺到處仙  
金鼎歲燃丹候火  
銀床時噴橘香泉  
補天赤日山前過  
醉月清風松下眠  
療鶴媿無珠可報  
投詩聊向海濱傳

和春日海防龔公與金生泛黃河之作

孝廉同載淮陰渡  
對酒如吟秋水篇  
萬里河流滄海接  
片帆春曉碧空連  
楚材已見珠明夜  
越雋還看劍倚天  
賓館不同門下客  
高譚應羨陸雲玄

山莊秋日晚坐懷奎老

雨勢西來看復微  
依然殘暑弄斜暉  
橋通遠市行人渡  
山落明霞歸鳥飛  
江上歲華空自老  
里中時事漸俱非  
此時對酒懷張翰  
蓴菜鱸魚秋正肥

冬日邀沈君仁劉子厚諸君

興到寒宵呼所親  
草堂懽笑氣如春  
山前霜月一庭白  
燈下棋枰幾局新  
此日乾坤成小飲  
百年湖海作



閒人盈樽有酒時方晚莫厭西園折簡頻  
送譚父母入覲

邗江東下海門深咫尺離亭萬里心自分寒叢依蔓  
野每驚春色到幽林五雲曙闕看鳴玉一日彤庭捧  
賜金台鼎位高應念舊佇看霖雨洒棠陰

晚秋同奎泉輩歸自南莊戲呈一首

照水蒼顏不自閒招尋郊外日看山清江頻落尊前  
色紫蟹長留領上斑世有高材多跋扈坐無生客少  
防閑蕭蕭兩岸風鳴葉秋在城南一里灣

誕日辱徐民上佳什倚韻奉和

欲向青蓮慕謫仙倦遊早已賦歸田形骸盡寄雲山  
處甲子虛過犬馬年搔髮自慙江總黑擬經還草子  
雲玄飛觴借得高吟寵美酒新豐醉十千

沈園望雨時鹽法公按臨

殘暑城頭一陣過微涼醒酒盼庭柯雲垂欲掛南山  
脚雷動思翻北海波石燕不飛風亦定潭龍當臥雨  
無多理寃誰訴霜臺客惆悵東齋對薜蘿

冬日懷西園兼邀民上



山下高齋倚暮天望中蒼翠鎖寒烟  
遶門淮泗流堪濯入眼鶯花春可憐  
歲次欲移陽月令客遊將上廣陵船  
攀權莫厭過從數別後相思空惘然

謝沈君仁賤辰招飲

司馬風流舊海濱翩翩公子錦筵新  
慙慙古道推先達綺麗高文躡後塵  
銀燭夜燒花似畫金罇冬瀉酒如春  
招攜雅託東隣好懽笑渾忘兩鬢銀

九日西園雨中陪客

爲酬佳節共登臺憂患經時強自裁  
風雨一天秋已

暮松筠三徑客還來虛亭短日流年過  
白髮黃花綠酒開欲賦淮南眼前事  
含情無限小山哀

卜居

避地維揚擬卜居崇岡聊欲振輕裾  
夢思詎可傷吾老詞藻猶堪賦子居  
何處蓬蒿淹仲蔚誰家門徑駐應璩  
年來已下元龍傲倒屣長迎過客車

賦吳陵

百里魚鹽號富饒賦多十郡貢天朝  
中通日市喧江郭西下雲帆礙浦橋  
弦誦隔隣聞月夜笙歌到處醉



花朝杞人四顧傷今日底事繁華滿眼凋

春日張總戎紹容攜酒小園因呈樂老

枉從荒徑列華筵澹澹春雲半霽天麾下牙旗問日  
月島中桴鼓絕風烟梅含笑臉迎山路柳破愁眉拂  
澗泉莫道園亭成寂寞忘機翻得一頽然

贈別吳筆山擢碭山尹

桃李花開春滿城河梁分手重含情雲飛去節雙鳧  
遠風送征帆一鷁輕每愛芙蓉臨水照獨憐騏驎向  
人鳴行行好放長途足萬里遙聞茂宰聲

送虞太府公入覲詩

明堂日上頒周典方岳雲來擁漢官萬國合符銅虎  
重九天垂袞玉龍寒恩流海角春陽遍寵壓朝班  
聖澤寬前席淮南問遺老莫云烟水一漁竿

冬宵對客論倭警因懷伊亭

不向霜前惜鬢毛還從島外問弓刀客愁銷借青尊  
倒世事談令明月高肅肅寒城嚴夜警悠悠滄海傲  
吾曹交懽欲盡蔬盤興絕調猶思白雪操

冬夜與伊亭小坐聞將跨鶴賦此止之



意氣何勞折柬呼清言分漏對冰壺壁間短缺應彈  
未袖裏明珠好在無寒問梅花銷白墮夜挑燈葢著  
潛夫吳陵幾許堪乘興掛席寧須去五湖

題文樓館

寰中山館似蓬萊萬樹陰森紫霧開烏府近臨狐兔  
伏龍江曲抱鳳凰迴雲光斐亶垂青壁海色蒼茫落  
玉臺搖筆題詩在高閣何人知是謫仙來

寓秦園再賦

嘉樹龍莖倚杖過雨餘蒼翠滿庭柯龍蟠勁節霜松  
古鳳舞長竿水竹多勝地主入方繾綣故山秋色已  
蹉跎新懽且盡相逢樂書罷棋殘對酒歌

首夏一日邀諸學博賞牡丹

花開還滿故園春莫道春歸不待人筵啓洛陽初召  
客譜翻金谷總稱臣塵容見我一番老國色逢君百  
歲新最是廣文風韻好笑將紅粉對青巾

邀樂軒懷竹萼樓諸文丈賞花

孤芳聊占鳳城春未必穠華勝里人文采分番招國  
士風流接席醉波臣輕颺拂袖香逾酷淡日籠帷色



轉新雅會最憐簪弁少滿堂都着白綸巾

晚與近翁登山小坐

一尊長夏片峰巔晚徑蒼茫黛色連紫閣九重雲捧  
日滄江千里水連天共憐散地堪投杖獨取清風不  
賣錢歌罷凭欄發長嘯池光籠月樹籠烟

東莊

閒居構得雉城邊樓閣東西隔市廛百畝石田供上  
賦數椽茅屋廠賓筵曙雲會送孤峰色春雨能飛百  
道泉白日羲皇高枕夢一聞啼鳥更幽然

西園與澄之子瞻登山

日日看山看未休此生還作百年遊花香不斷四時  
景水氣長涵六月秋酷愛烟波頻濯足共憐人世却  
回頭慙慙莫負林中約酒在尊壘月在樓

西園晚候潘生不至戲柬一首

何事堪消此日閒手持桃竹自登山清風不逐孤雲  
往白鳥空隨落照還堅壁定非愁百戰扣門應是畏  
重關蹉跎歲月吾將老君亦頭顱一半斑

九日同宮克昌諸君西園登山



江上清秋清可憐，招呼客滿翠微巔。筵開紫蟹全肥，日人醉黃花半放。天高閣捲簾，虛受月寒塘。依樹靜聽泉，不差短髮悲搖落。吹帽風流自百年。

雨後邀金鳳岐諸君過北莊

塔杪雲開放，午晴一篙新水漾。舟輕山多好，雨城頭過世有幽人。河上行鬱鬱，傍堤高柳色冷冷。歸壑細泉聲，興闌還剩瓶中酒。却笑當筵無步兵。

西園漫興

萬柳沿溪雲與齊，行吟只在小湖西。江花故向幽人笑，林鳥如聽好句啼。巖谷夢回天地老，風塵眼轉市途迷。相憐獨有壺公杖，冷暖悲歡日共攜。

題雲樓

蓬島仙人十二樓，數椽飛到鳳城頭。元龍清世還高臥，司馬多才且倦遊。曉日自憐開閣爽，暮山不對捲簾愁。盤桓信是長生地，紫氣紅光夜夜浮。

秋晦日西園登覽

清霜脆柳老蒹葭，獨對孤山一水斜。短杖自能隨白髮，芳樽應不負黃花。未須得失論時事，且聽寒暄換



舊業堂集 卷之二  
歲華覓句今宵秋興盡小春明日入詩家

午日邀諸親小集

楚節邀懽客滿堂  
菖蒲香泛紫霞光  
衣冠不借清時  
俊車馬何勞委巷忙  
欲吊忠魂問湘水  
且持高節臥  
柴桑尊前契合無他在  
話盡平生也不妨

夜坐

山亭送客夜歸人  
獨對江城月色新一徑  
風清涼不  
扇滿天雲白細成鱗  
生逢堯舜憂何事  
道在詩書寄  
此身歌罷更闌渾  
欲寐乳花猶煮建溪春

西園睡起邀鄭丈嘗鮓

緇塵遠避白頭翁  
日臥空園柳下風  
吟罷靜聽鶯宛  
轉夢回高步石  
崑龍山花故喜客  
長滿徑草何嫌路  
不通三尺江鮓初入市  
嘗新還與故人同

芍藥開戲東丁任甫孝廉

好春歸去復尋芳  
紅藥翻階萬朶香  
清興不隨鶯共  
老賞心還與蝶俱狂  
昇平海上人高臥  
醕酏花前客  
自觴幾度投桃真  
不惜瓊瑤有意望君償

對屏花



誰云春去便飄零紅白花開香滿庭粉重蝶過飛不見  
見砂明鶴睡夢長醒自憐林下初盟合未許人間俗  
眼經把酒臨風何所語百年心事對山靈

新晴對花漫筆

雲收雨止見林光覓徑看花鐵杖忙一片沾泥姿乍  
冷數圍藏葉魄猶香笑迎淡日懽容放舞向微風醉  
態狂客至偶無沽酒費石鐺聊煮建芽嘗

葺理荒園成戲呈友人一首

暫擲閒心理釣綸樓臺池館一時新盤桓散地宜初  
服收拾殘花待好春日月無私人自老琴書有伴客  
皆貧庭前歲任蓬蒿長車馬休驚戶外塵

西園月夜歸偶述

霜月娟娟萬里明片山孤迥對江城庭前緩步鶴先  
舞樹下平吟鳥自驚梅氣傍簷春意滿水光墮地夜  
寒輕晚歸不畏金吾禁市裏猶聞喚酒聲

西園邀客看花三首

不因風雨妬花頻日日花前作主人坐上山青雲自  
白里中交舊誼猶新一尊落照留佳客百歲浮生醉



好春香夢半銷芳恨滿休將成敗問洪鈞

其二

一代鉛華曼絕塵年年勾引好詩新  
凭欄獨愛風流客醉酒都沾富貴春  
午坐濕蒸狂欲叫晚粧香氣暗  
相親桃源烟火臨淮近何用探奇遠問津

其三

海國春陰花事減小亭春色倍常年  
枝繁已荷東君厚色重猶堪上客憐  
自惜晨昏時倚杖不妨風雨日  
開筵賞心久辦山前醉沽酒寧論十萬錢

題鶴亭卷

狂態于今尚故吾眼看軒冕似泥塗  
短袍出入龍爲友瘦杖行吟鶴是徒  
筆底花生詩立就墻頭客至酒長呼  
鳳巢深處堪同老回首春風醉玉壺

代二杜作

絕島迢遙雲與居蓬萊日日望安期  
清風只在瑤臺曲紫氣紛連鹵海湄  
杖臥蒼龍空自拄庭閒白鹿竟何之  
人間會有青禽至翠蓋翩翩慰所思

望霽因呈劉子瞻



欲晴不晴天弄陰城南江邊愁殺人黑風遶樹烟還  
起白日吐山雲復屯何處可謀終歲計此時空老乞  
閒身星源欲訪乘槎客一水茫茫詎有津

西園邀舒憲使錫崖席罷漫述

璧削芙蓉兩接天紫霞飛傍野人筵小盤聊薦初平  
叱短箸先嘗羊續懸火借春風曛酒暖燭兼明月照  
花鮮草堂一醉冰霜後依舊松筠鎖寺前

春杪過新壟

暮春乘興五湖東新水浮天漾碧空曉日衣沾垂柳  
露晚烟帆飽落花風炊黍海邊窺玉女拋梭江上聽  
黃公人生只合尊前醉萬事從來一夢中

西園邀王近翁黃竹翁呈此道意

寂寥誰與伴滄浪柳自蕭疎楓自黃高誼只應來竹  
老多聞每欲對槐王川原莫笑輪蹄擁天地還容詩  
酒狂玄髮論交今白首好因歲晚惜餘光

思樂軒丈

玉匣瑤琴香半薰高山流水忽思君芙蓉江上秋先  
老薜荔園中日未曛白馬素車瞻范式有才無命哭



劉蕢何時化作遼城鶴飛向臨淮使我聞

月下寫懷

月明今夕草堂前隱約星河沒九天光遍高堂遙見  
兔涼生疎柳寂無蟬懷人江上方千里作客山中已  
十年烏鵲不飛秋宇靜玉琴相對夜深眠

冬日西園邀唐別駕王郡守諸公

輕寒十月小筵開鸚鵡籬邊紫艷堆總是掛冠神武  
客誰非題柱馬卿才良宵莫畏霜飛席濁酒還留月  
上臺淮海清時吾輩老安車初服好頻來

雪中泛舟城南

探春一棹來南浦十里漫空雪正飛寒勒梅花遙對  
酒風迴柳絮亂沾衣接天白浪江流急隔岸孤烟渚  
樹微興似王猷還未盡漏聲遙促畫船歸

登望海樓

飛樓縹緲廣陵東海色蒼茫一望中左翼膠庠麟藪  
滿西肩泰岳鳳城雄清淮水遶天連碧仙島雲來日  
射紅獨取微名從所好憑虛時自舞霜虹

臨流有感



永嘆嘗聞棠棣詩白頭今日悔應遲雲霄騰踏論心  
日風雨飄颻掉臂時何處腥羶朝可慕誰人水雪晚  
難移無情門外東流水相對忘言祇自知

迎春日未能速客漫筆識感

綵仗懽迎化國春招尋無客罷歸貧樓臺自擁千門  
色車馬空驚九陌塵白簡夢迴霄漢遠青山吟老髮  
毛新東風海上西園轉依舊鶯花送酒頻

舊業堂集卷之二終



